

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Sinar Harian
Date	19/07/2017D

Ajakan Mahathir bersifat politik

Sinar Harian - 19/7/2017 pg 2
SHAH ALAM - Pelawaan Pengerusi Pakatan Harapan, Tun Mahathir Mohamad terhadap Perdana Menteri, Datuk Seri Najib Tun Razak bagi menyertai program *Nothing To Hide 2* adalah bersifat politik.

Timbalan Dekan Pusat Pengajian Sains Kemasyarakatan Universiti Sains Malaysia (USM), Prof Dr Sivamurugan Pandian berkata, matlamat program itu kurang jelas dan dilihat bertujuan untuk meningkatkan populariti gabungan yang sedang diterajui oleh Mahathir.

"Mungkin pelawaan ini akan dipertimbangkan oleh Najib sekiranya Mahathir berada di aliran dan pendirian politik yang sama, tapi sekarang saya rasa ia sesuatu yang mustahil.

"Sebagai seorang yang berpengalaman dalam bidang politik, saya rasa Mahathir pun tahu pelawaan itu akan ditolak tapi ia tetap dilakukan untuk meraih perhatian supaya orang ramai lebih maklum mengenai program itu," katanya, semalam.

Mengulas lanjut, Sivamurugan berkata, Najib juga perlu mengutarakan matlamat yang jelas sekiranya bersetuju untuk menyertai program tersebut.

"Sekiranya matlamat tidak jelas, mungkin keadaan akan menjadi lebih keruh," katanya.